

L'anticu avia ragiune

Scritto da Administrator

Martedì 06 Marzo 2012 15:37 - Ultimo aggiornamento Venerdì 18 Maggio 2012 19:59

L'anticu avia ragiune!

(di Pietro Dastoli)

Nu sbundu de fhorisi a matinata

Doppu chi si passaru lu segnale

E si trovaru tutti a l'adunata,

trasiru 'nta la casa comunale

L'usciari quando vitte si cristiani

Tutti a 'nna vota, assai s'appagurau;

'nta li capidhi s'azzicau li mani

e subitu lu sindicu chiamau.

L'anticu avia ragione

Scritto da Administrator

Martedì 06 Marzo 2012 15:37 - Ultimo aggiornamento Venerdì 18 Maggio 2012 19:59

“Lestu ,dassati sordi de cuntare!

Li tamarri arrivaru e su cc'avanti;

dicitimi qual'ede lu de fhare,

ca parenu 'ncazzati e sunu tanti.”

Cu li vrazza ligati,risolutu,

supa la porta cumpariu dicisu

lu sindicu.”Su ‘ cca pemmu vi ascutu!”

guardandu ‘nta la ‘mpigna tutti,tisu.

“Caru cumpare,vinnimu ccà a bui

L'anticu avia raggiune

Scritto da Administrator

Martedì 06 Marzo 2012 15:37 - Ultimo aggiornamento Venerdì 18 Maggio 2012 19:59

Ca seriamente avimu de parrare.

De ‘ sta vita no’ nda potimu cchjui;

de ‘sta maniera no’ ssi po’ campare.

De sule a sule tutti fhatigamu;

picciuli,randi,fhimmini e ‘nimali,

ma quando pe’ mangiare n’assetamu

mancu d’acqua su’ chjni li boccali.

L’annu lu gelu,l’acqua o l’asciuttura

ni fhutte la fhatiga de li vrazza

L'anticu avia raggiune

Scritto da Administrator

Martedì 06 Marzo 2012 15:37 - Ultimo aggiornamento Venerdì 18 Maggio 2012 19:59

e quando mu cogghjmu vene l'ura

ni resta 'nta li mani...chista mazza!"

"Sapiti vui lu bene chi bi vùagghiu!

Diciti chjaru e tundu chi boliti:

fhazzu mu aviti ranu de lu giùagghju,

ricchizzi de la terra mu cogghji".

"Ni cacciati,cumpà,nu rande rimu!

E allora curta curta è la 'mbasciata

De vui,si bi è possibile volimu

Du' vùati la raccolta 'nta l'annata".

L'anticu avia raggiune

Scritto da Administrator

Martedì 06 Marzo 2012 15:37 - Ultimo aggiornamento Venerdì 18 Maggio 2012 19:59

“Nculu”, pensau lu sindaco,chi trùanu!

Chi corpu de dubuatti mi jettaru!

Ma guarda tu! De mia chissi chi buanu!

E mode cuamu fhazzu mu riparu!”

La varva si grattava chjanu chjanu

Cercandu pemmu nesce de lu ‘mbruagghju;

pensava a la promisa de lu ranu

fhattu metire a’ postu de lu giùagghju.

L'anticu avia rajiune

Scritto da Administrator

Martedì 06 Marzo 2012 15:37 - Ultimo aggiornamento Venerdì 18 Maggio 2012 19:59

L'ùacchj li si appiciaru all'intrasattu:

L'aricchj tutti quanti scancarati!

Chidhu chi bui cercati è priastu fhattu!

Li guai pe' tutti vui su terminati!

Sentiti buanu chidhu chi dich'io;

la vita 'a mu 'nd avanzi è menu amara,

ca de aguannu chi bbene, si bò' Dio

du vuati vui l'inchjti li granara."

"Viva ,viva lu sindicu" gridava

A bocca chjna tutta chidha gente.

L'anticu avia raggiune

Scritto da Administrator

Martedì 06 Marzo 2012 15:37 - Ultimo aggiornamento Venerdì 18 Maggio 2012 19:59

Cu ciangia de la gioia,cu zumpava;

“terminau la miseria ‘nsincarmen!”

Nu viacchju scopanatu,povariadhu!

Appoiatu a lu muru,de ‘na banda

doppu chi si carmau chidhu ribbiadhu

a lu sindicu fhice na dummanda:

“Scusatimi, ma nui simu turduni!

Cumpatisciti , ma cuamu fhacimu

Pe du’ vuati mu inchjmu li casiuni?

L'anticu avia ragione

Scritto da Administrator

Martedì 06 Marzo 2012 15:37 - Ultimo aggiornamento Venerdì 18 Maggio 2012 19:59

Chissu de vui volisse mu sapimu!>

Lu sindaco guardaru tutti 'nsema

Li festeggianti cu' l'aricchj tisi.

“Vi dicu cuamu cacciu ‘sa postèma:

l'annu si fha de vintiquattru misi!>

Atri gridati ed atru scialamiantu

Fhiceru pemmu trema lu palazzu.

“O catanannu ! tu no' ssi cuntiantu

de chidhu chi bi dissi ca vi fhazzu !”

L'anticu avia raggiune

Scritto da Administrator

Martedì 06 Marzo 2012 15:37 - Ultimo aggiornamento Venerdì 18 Maggio 2012 19:59

Lu cazzijau lu sindicu ,arrabbiatu,

e appriassu li fhorisi “Ade raggiune!

Pecchè tu no’ festiji.Si nu ‘ngratu!

Tu no’ capisci chista bona azione!”

“Mancu ‘na dramma aviti de cerviadhu!

Raggiune avia l'anticu,mente fhina,”

Affriggiutu parrau lu vecchjariadhu,

“Pe li cunni no ‘nce ‘na medicina!”

L'anticu avia raggiune

Scritto da Administrator

Martedì 06 Marzo 2012 15:37 - Ultimo aggiornamento Venerdì 18 Maggio 2012 19:59

Pietro Dastoli